



**BREVIS|| INSTRVCTIO|| AD CORROBORAN-||DOS AC
IVVANDOS MO-||RITVROS, EOS PRAESERTIM|| qui ob
flagitia sua, publica Iudi-||cum sententia morti ad-||dicti
sunt:||**

Isella, Francesco

Coloniae Agrippinae, 1588

VD16 I 344

Articulus VII.

[urn:nbn:de:hbz:466:1-60044](https://nbn-resolving.de/urn:nbn:de:hbz:466:1-60044)

44 INSTR VCTIO AD

Lætetur igitur damnatus, quod natus est in bona sorte Christianorum , & diem agat festū, quod dignus est mori desiderata morte Sanctorum. Debet autem sese prosternere in faciem, & Domino gratias agere , qui dignatus est tantam cum eo facere misericordiam, potestque dicere ; Domine mi, non sum dignus tanta gratia, qui tam citò veniam ad fruendum iucundissima tua facie: peccata namq; mea superant ipsas cœli stellas , & arenam maris: & non sum dignus vocari filius tuus; imò ne minimus quidem tuus famulus.

Articulus VII.

Mortem cō-
mūnem esse
& naturale
ideo q; mi-
nus naetuen-
dum.

1. Reg. 14.
Hebr. 5.

Psalm 38.

Debet quoque damnatus patienter ferre mortem, cùm naturalis sit, & communis omnibus . Quare scriptū est in libris Regum, quod *omnes morimur, & quasi aqua dilabimur.* & S.Paulus ait; *Statutum est omnib[us] hominibus semel mori.* Moriuntur debiles & robusti, sapientes & ignorantes, nobiles & ignobiles , Domini , Marchiones , Princes, Duces, Reges, Imperatores, Cardinales, & summi Pontifices . Non est homo qui viuit, & non videbit mortem . Imò ipse Dominus Dominorū,

Rex

IVVANDOS MORIENTES. 45

Rex Regum, & Sanctus Sanctorum,
cūm liber esset ab omni lege mortis,
voluntariè tamen mori voluit : sed
nec charissimam suam matrē ab hac
lege voluit esse immunem. Non ergo
damnatus se meliorem putet reliqui
esse Christianis, meliorem Christo,
meliorem eius matre Virgine ; qui o-
mnes per mortis viā ad patriam trāsi-
erunt. Cūm igitur mors omnibus cō-
munis est, omnesque semel debeant
mori, non debet nimium animo con-
sternari, eò quod sibi moriendum est.

Sed & præterquam quod istud fa-
cere debet tanquam Christianus, sci-
ens mortem esse finem miseriarum,
& principium beatæ atque felicis vi-
tæ: Debet etiam hoc facere tanquam
homo, considerans tantū, quod mors
communis est, & naturalis omnibus.

Hæc vna consideratio fecit, ut etiam Ethnici non inuiti mortem oppetie-
rint; quare cūm Socrati dictum esset,
quod ab Atheniensibus erat condem-
natus, respondit; se id flocci facere : si
enim, inquit, iam non morerer, pau-
lo post tamen mihi esset necessariò
moriendum. Alius Spartiatus adeò
non mutatus est, cūm se condemna-

C tum

46 INSTRVCTIO AD

tum audisset, quod Iudicibus etiam gratias egit, addens; se eandem pœnā etiamsi nunc euasisset, alio die subire debuisse, & pœnam hanc talem esse, quam dare poterat, neque patrimoniū vendendo, neque bona oppigno-rando.

Possunt hoc & exempla quædam nostri temporis cōmemorari, maxi-mè eorum (si qui sint) quos damnatus nouit, qui propter exiguum & mo-mentaneum honorem, certam mor-tem adicerūt: quidam in oppugna-tione ciuitatis muros ascendendo; alij ut vindicarent iniuriam, seipso in præ-sentaneum mortis periculum conie-cerunt, inter enses hostiles irruentes. Quidam maluerunt mortem op-pe-tere cum honore, quām viuere cum ignominia: cuius rei exemplum vidi-mus nostro tempore in nobili illo Burgundo, qui vt ~~minis~~ sui famā mundo relinqueret, ingressus est pa-latium Principis Auraici, tot satelli-tibus stipati, vt occideret eum: ubi ta-men nullam videbat elabendi rimu-lam. qui postea captus, inauditis tor-mentis excarnificatus est. Si illi, vt ex-iguum honorem consequeretur, quæ-tamen.

Non ob va-nam glorio-
lam hoc fe-
cit: sed vt
Remp. Chri-
stianam à ty-
ranno libe-
raret.

IVVANDOS MORIENTES.

tamē vt vmbra perit: si vt ignominia aliquam fugerent, vitam susque dequitulerint, cur non etiam & nobis contemnenda erit vita, vt æternam consequamur gloriam, perpetuamq; damnatorum fugiamus ignominiam? Ut animum magis addant morituro, adducant etiā aliquot exempla Martyrum.

Articulus VIII.

Ante omnia proponatur captiuo exemplum Sancti Sanctorum, Martyris Martyrum, Christi Domini nostri, cuius vita continua fuit passio: Quare meritò dicere potuit verba Psalmi illius; *Quoniam defecit in dolore vita mea, & anni mei in gemitibus.* & illud Ieremiæ; *O vos omnes qui transitis per viam, attendite & videte, si est dolor, sicut dolor meus.* Hic licebit morituro explicare, quomodo Christi dolor fuit maximus quæcum ad poenam: fuit enim arctissimè vinclatus, fuit crudissimè flagellatus: caput eius acutissimis spinis fuit lacinatum, fuit adactus ut propriam crucem in humeris suis portaret, cùm totus esset debilis, & corpore toto saucijs: fuit in cruce extensus crudeliter, & funibus tā crudeliter

Captiuo ex-
emplū Chri-
sti patientie
proponatur.

Psal. 30.

Thren. 14.

Psal. 70.

Iean. 19.

Matth. 17.
Matth. 27.

C 2 dcliter